

靖海紀事

靖海紀事下卷目錄

賚書求撫疏

安撫翰誠示

臺灣就撫疏

賚繳冊印疏

祭鹿耳門水神文

報入臺灣疏

舟師抵臺灣

諭臺灣安民生示

嚴禁鴉師示

祭臺灣山川后土文

御製褒章

上諭兵部

封侯制誥

班師祭陣亡官兵文

恭陳臺灣去留疏

移動不如安靜疏

中元祭陣亡官兵文

壤地初闢疏

海疆底定疏

收用人材疏

君恩深重疏

贈宮傳制誥

敕建碑文

諭祭第一次文

諭祭第二次文

諭祭第三次文

下卷終

太子少保提督福建水師總兵官右都督伯臣施琅謹  
題爲偽藩崙差賫書求撫據情具

題仰請

睿鑒事竊照臣奉

命專征整搦舟師于六月十六至二十二日在澎湖連日  
與賊鏖戰砲火兩點仰賴

皇上威靈官兵用命渠鎮賊夥俱被焚殺殆盡遂克取澎  
湖三十六島業于六月二十六日繕疏恭

報外擬乘勝長驅搗臺灣直如摧拉惟大小戰艦被砲打  
損破壞甚多臣姑將其次號之船可以補葺者載送  
砲傷官兵回廈門調治將船整固令其順載柴米火  
藥弓矢前來澎湖以給兵需至打壞烏船見泊澎湖  
卽當用工修葺所需木料油灰釘鐵棕麻等料匠作  
各項爲數不少刻在要需誠難稍緩臣治師遠島祇  
恐呼應不靈隨于閏六月初三初六等日移咨督臣  
亟行採備仍辦八槳船料一百隻一併檄委漳州海

防同知王錫九等官督運解到澎湖以應整葺製造  
用濟我舟師到臺灣穿淺入港渡載官兵登岸之用  
至于臣標水陸鎮營被砲傷死官兵三百餘員名砲  
傷一千八百餘員名陣傷之兵雖給資藥治未能痊  
可荷戈臣計當進勦臺灣之時宜畱大鳥船二十隻  
趕繪雙帆船三十隻共五十隻應用水陸官兵四  
千員名畱守屯劄澎湖以爲兩頭聲援策應然新附  
投誠兵衆未便遽用征兵名額不足禦勦難以乏人



業併移咨督臣選調精壯陸師官兵四千員名前來  
補用聽令調遣去後臣雖殫力疾呼尤慮汪洋風濤  
遠隔實爲獨力難支惟分撥船兵在于八罩將軍灣  
南大嶼東西甘吉龍門港吼門吉貝嶼等島倍加巡  
瞭以抑其吭乃殘孽敗遁之餘見臣水陸等官兵逼  
臨門庭安插投誠撫綏地方民人樂業雞犬不驚臺  
灣兵民聞風俱各解體此閏六月初八日僞藩鄭克  
塽巨魁劉國軒差僞禮官鄭平英僞賓客司林惟榮

偽員曾蜚朱紹熙等賫具降

表一道并與臣書二封另致督臣書二封駕趕繪雙帆  
艍船二隻到澎湖臣軍前納款請降待

命惟馮錫范與鄭克塽欲求原居臺灣永祀祖先照管物  
業懇臣指示臣思此議未妥若在未進師撲剿之時  
逆孽蚤遣求降當爲題

請今澎湖旣得窮逼之際始差鄭平英等前來求撫明係  
詭譎緩兵之計難以遽信臣事征止宜主勦不宜議

前注編事  
卷之十  
撫之事將鄭平英林惟榮二員并帶書二封咨送督  
臣看守候

旨定奪查鄭克塽年尚幼穉未諳大體操縱指揮權皆出  
于劉國軒馮錫范二人茲特令曾蜚朱紹熙回臺灣  
傳諭若果真心投誠必須劉國軒馮錫范來臣軍前  
面降將人民土地悉入版圖其偽官兵遵

制削髮移入內地聽遵

朝廷安輯若偽藩等悉如臣言臣當體

皇上好生之德以拯數十萬之生靈具疏題

請我

皇上赦其前罪畀之

新恩

敕行督撫二臣撫綏安插臣因船隻被砲擊壞故暫在整  
葺未得乘勝搗勦其所要需船料匠作解應一到卽  
晝夜兼工整造若船隻修備風信稍利殘孽若不從  
臣之議卽督師進發當斯劉國軒一戰敗遁魂落膽

喪臺灣人民風鶴草木皆兵之際無難殲滅淨盡根  
株以慰

宸衷謹將偽藩鄭克塽原具降表及鄭克塽劉國軒致臣  
原書進上

御覽恭聽

睿裁迅賜

敕旨其鄭克塽所致臣書茫然折閱乃臣之罪緣係恭報  
偽藩求撫事理貼黃難盡伏乞

皇上全覽施行爲此具本謹密題請

旨

康熙二十二年閏六月 十一日

附錄八閩紳士公刊原評

軍志曰惟能勦者能撫蓋我具能勦之猷畧而又具必勦之氣勢然後可不戰而屈人兵彼區區小仁終何濟于大事乎夫臺灣爲鄭氏竊據三世瓜牙羽翼遍列左右雖澎湖一戰事勢窮感納款請降此其兵力亦可知矣而反測未安易於爲變若不遷入內地畏難苟安保無有意外之患耶公具疏題請以樹德莫如滋去疾莫如盡令劉國軒馮錫范詣軍前面降令人民土地悉入版圖令僞

官兵遵

制削髮悉聽

朝廷安輯何慮周而見遠也昔項羽困于敖舍高祖亦欲罷兵歸國獨留侯不可曰此天亡也急擊勿失帝從其言而項氏果滅公以撫為勦以勦為撫不為一時權宜之計卒之偽藩啣璧來歸處置得宜恩威並著一一如公疏中所陳體

皇上好生之意而圖國家數十世之安者豈其後哉

太子少保提督福建六師總兵官右都督伯施 爲  
安撫輸誠文武官員兵民以廣

皇恩事照得

聖朝定鼎以來法素從寬恩恆惟厚撫順勦逆區宇咸寧  
臺灣未靖本提督奉

旨專征蓋欲拯絕島之生靈俾海疆於奠安茲僞延平王  
及武平侯等識

天意之有在樂



皇仁之無偏見道協理兵工二官副使二員齋具表章敕

印前來歸

命土地人民悉入版圖本提督體

朝廷好生之德念至誠求撫之心現在題

請仰邀

浩蕩洪慈安輯咸宜合就曉諭爲此示仰臺灣地方官兵  
士庶人等知悉示到各官兵立即削髮本提督冠日  
親臨安插軍紀素嚴秋毫無犯今旣革心歸順官則

不失爵秩之畀民則皆獲綏輯之安兵丁八伍歸農  
聽從其便各自安意樂業無事徬徨驚心

本館旨下頒

新思遍及本提督言出金石決不爾負須至示者

康熙二十二年七月十六日

太子少保提督福建水師總兵官右都督伯臣施琅謹  
題爲恭報臺灣就撫事宜仰祈

睿鑒事竊照澎湖克捷海逆已失其險康熙二十二年閏  
六月初八日僞藩鄭克塽渠魁劉國軒差僞官鄭平  
英林惟榮曾蜚朱紹熙等齎送降表併書來澎湖軍  
前求撫臣慮其詭譎緩兵難以遽信遂令曾蜚朱紹  
熙回臺灣傳諭若果真心投誠必須劉國軒馮錫范  
來臣軍前而將民人土地悉入版圖其僞官兵違

制削髮移入內地悉聽

朝廷安輯若偽藩等悉如臣言當體

皇上好生之德以拯數十萬之生靈題請

赦其前罪撫綏安插業于閏六月十一日將降表并書具

疏進上

御覽在案茲七月十五日鄭克塽復差僞兵官馮錫珪僞

工官陳壽焯劉國軒遣胞弟僞副使劉國昌馮錫范

遣胞弟僞副使馮錫韓同曾蜚朱紹熙齎送降本稿

前來澎湖軍前回話一一依臣前言其防守南北淡水偽左武將軍何祐偽左先鋒李茂等所帶賊衆今俱召回臺灣南北淡水已無防守矣何祐等差賚密稟到臣納款是臺灣南北地方俱已效順復據曾蜚等稟稱鄭克塽劉國軒及兵民人等咸懇臣發給告示張諭削髮俾得遵依蚤發一日則兵民蚤獲一日之安臣因仰體

浩蕩洪慈服舍來安乃敢給示撫綏矧鄭逆自來遠阻聲

教未被

聖化非如吳耿諸逆受

恩背叛者比諒荷

皇上廣開面網

赦其前愆俾沾

德意卽將劉國昌馮錫韓見留軍前隨于十六日遣侍衛

吳啓爵大品筆帖式常在同馮錫珪陳壽輝會審朱

紹熙帶安插告示五張先往臺灣曉諭看驗各偽官

兵百姓人等削髮令其催賫偽藩鄭克塽及劉國軒  
馮錫范等敕印併繕膳降本前來交繳以便臣代爲  
賫

進則此事似可勾當也臣俟各船修葺齊備一面統率  
船兵親抵臺灣看其形勢暫行安輯其所議造八槳  
船隻及再調陸師官兵已咨移督臣停止矣第查臺  
灣土地千餘里戶口數十萬地在負海之表或去或  
留僞官兵戶口繁多當作何安輯事關重大所當亟

請

皇上迅賜睿裁敷差才能戶兵二部迅速前來會同督撫  
主裁料理安置得宜畢此大事俾臣得卽勾當班師  
從此金甌永固玉燭常調可無慮

南顧矣此番澎湖克捷臺灣就撫實賴我

皇上洪福齊天威靈遠暨乃克見成效但臣鹵莽武夫性  
質愚慙直道行事不肯遺賤以爲

君父憂荷蒙



皇上養之恩

特知之遇無足報稱誓必掃靖海氛少效涓埃耳今年逾六十筋力衰邁難勝封疆重任且孤忠獨立既不肯苟合又不能彌縫征勦臺灣之舉乃面奉諄諄

溫諭屢次

俞旨專征是以臣竭效死力堅不阿徇務期蕩平極知深拂人意災必逮身茲賊島旣平臣職已盡若蚤不引退將來必爲禍階伏乞

皇上恩賜召臣回

京俾得時覲

天顏臣所深願也謹將偽藩抄來疏稿恭進

御覽緣係恭報臺灣就撫事宜貼黃難盡伏乞

皇上全覽乾斷

迅賜敕旨施行爲此具本謹密題請

旨

康熙二十二年七月

壬酉

日

附錄八閩紳士公刊原評

從來敵勢窮迫多藉投誠以爲緩兵之計今臺灣  
就撫 公獨令其親來面降二面請

旨一面發示令其遵

制削髮以示無外殆所云聞以外將軍制之非歟且以  
其遠阻聲教非歟吳耿諸逆受恩肯叛者比真卓  
識也真公論也降表既來卽咨移督院停造入漿  
弁停調陸兵可謂省國費而紓民力者矣至于請  
召還

京非徒憂護慮患實有古大臣功成身退之學問焉  
雅歌仲山甫之明且哲史稱張子房之托辟穀公  
於此思過半矣但以四十年難靖之海疆一旦削  
平此皆 公之智畧過人聲靈遠播若使還朝安

知反側于章不復生異志耶昔明祖以沐氏定雲南遂世襲永鎮故終三百年無他患者誠餘威足以攝服之也 公鎮閩南海國波靜閩人之得以安枕無虞者皆 公之賜也 公何可須臾離閩哉果遂其退之志其若社稷蒼生何宜乎朝廷之永留我 公也

太子少保提督福建水師總兵官右都督伯臣施琅謹

題為恭報臺灣兵民削髮偽藩賫繳冊印事緣照偽藩

鄭克塽差偽兵官馮錫珪偽工官陳夢煒劉國軒遣

胞弟副使劉國昌馮錫范遣胞弟副使馮錫韓賫具

降本稿到澎湖軍前一悉聽臣言臣察其真誠向

化于本年七月十六日差侍衛吳啓爵筆帖式常在

前往臺灣看驗偽官兵削髮業將情由併偽藩降本

稿于七月二十四日具題繳

報外此番僞藩差官求撫蓋因澎湖失險故革心歸誠臣就近差遣看驗剃髮無非舉此勸撫大事乃吳啓爵等于七月十九日到臺灣而督臣亦差候選同知林昇撫臣差官頭鄭瑞生遊擊孫熙駕船二隻于二十日到臺灣並無到澎湖知會枉道直去臺灣懇其就撫是均軍

國之事故作兩途岐視毋乃有輕

國體而貽笑于逆眾者乎且臣于閏六月二十一日因

僞官鄭平英林惟榮到處張蓋乘轎自尊無忌咨移  
督臣有搖尾乞憐袒肉求降等語督臣所差之員將  
此公移并督臣自題疏稿抄送臺灣與僞藩等看閱  
致使賊衆危疑抱恨于臣其臺灣地方形勢兵民削  
髮安輯事宜應去應留頭緒多端不便繁入疏章吳  
啓爵常在親履其地俱悉其情茲差二員赴

開披陳面

奏本月二十七日僞藩鄭克塽復差馮錫珪陳夢煒同

吳啓爵常在賚具降本一道及繳延平王冊一副印  
一顆輔政公鄭聰印一顆武平侯劉國軒印一顆忠  
誠伯馮錫范印一顆左武衛將軍何祐印一顆偽藩  
鄭克塽擬將所繳到印冊令偽副使劉國昌親賚進  
京臣卽令同吳啓爵等一齊登程其馮錫韓適值抱病  
不得就道臣畱在軍前因見督臣如此爭執是以將  
鄭克塽奏本一封冊一副偽印五顆發交吳啓爵常  
在送赴督臣衙門聽其主稿具



題賚繳去後倘督臣不爲代繳臣一面囑令吳啓爵等

卽行賚

進臣當卽親臨臺灣先將要緊之人載入內地安插但  
偽官兵人民戶口繁多仰祈

皇上迅差戶兵二部前來主裁料理得宜臣奉

命專征勦撫之事俱已勾當仰候

俞旨以便班師其安插事宜悉交督臣自行料理鄭克塽  
尚有招討大將軍印一顆據稱有戶口兵馬各項冊

籍俱未攢造因暫畱用候繳合將偽藩鄭克塽所具  
兵民削髮奏本一道繳進

御覽其鄭克塽劉國軒馮錫范何祐等及文武大小各偽  
官俱在候

旨削髮緣係偽藩繳印事理貼黃難盡伏乞  
皇上俯賜全覽併祈

敕旨施行

康熙二十二年七月

二十九

日

附錄八閩紳士公刊原評

凡敵人之真誠向化者必我之威望足以服人智  
畧可以制勝然後動出萬全而言無不聽也公  
先克澎湖威震要荒恤其被傷兵卒予以醫藥  
共生還此其恩威已遍洽于臺灣故削髮繳印冊  
壹同本一事不敢或抗誠其先聲有以奪之也乃  
公仍差員同偽官繳送督臺請其主稿其與一等  
專權自恣者不亦大相逕庭哉昔裴晉公入蔡州  
示以上下之分韓文公諭廷湊曉以禍福之理夫  
二公之威望古今推服而一段嚴氣正性使敵人  
不敢復萌異志者誠其所以處之之道得也公  
收繳偽藩及偽侯伯印冊此誠數十年來所不能  
得之物亦數十年來所不能爲之事一旦盡輸于  
公而且一一請命于督院真有得于古人口不言  
功之大意也抑亦

國家體統之所在有不容以或失者予唐臣有言  
國家有大體統然後有大勳名其公之謂歟

祭鹿耳門水神文

惟滄波之浩蕩，渺難測其所之。何重關之據險，儼要隘于天池。旣迤邐以紆折，復迅激而奔馳。擬鹿耳兮巖浚，若砥柱兮標奇。灑頽無以喻斯流之湍急，天塹奚以軼扁鍵于藩維。某忝專戎于茲域，端藉舟航以指麾。欽神功于有赫，仰幽贊而匡維。願濟涉乎無阻，俾徃復咸底于平。彝伏望 鑒此救民湯火之誠悃。

彭斯

聖皇赫濯之靈威風濤于焉恬息驚波爲之奠綏士馬攸  
利黎庶靡危虔陳菲獻直錫崇祺謹告

康熙二十二年八月

日

太子少保提督福建水師總兵官右都督伯臣施琅謹  
題為恭報微臣先抵臺灣安輯仰祈

睿鑒事竊惟澎湖克捷臺灣求撫兵民俱已削髮臣業經  
前後具疏賫繳偽藩鄭克塽降表進上

御覽應當候

旨欽遵奉行兼以出征官兵所需糧餉督臣卽于六月十  
一日回省悉皆臣撥船過洋來往載運發給今各鎮  
營官兵秋季餉銀役過四十餘日尚未運到故未得

前去臺灣如督標所撥付朱天貴管坐趕繪雙帆船  
船于六月二十二日夜內朱興卽帶一十三隻徑不  
請令私自迤回尚五十一隻配戴官兵二千二百五  
十六名督臣于閏六月十二日差叅將洪範傳宣楊  
俊功賞咨文到澎湖守候盡行召回矣茲本月初八  
日偽藩鄭克塽修書差偽副使何仕隆同會蜚賫送  
前來偽武平侯劉國軒偽忠誠伯馮錫范各致書一  
封到澎湖臣軍前稱說臺灣兵民數十萬恐人心危



疑不一事久生端請臣速去安輯臣卽會商行間各  
鎮臣酌派兵船畱守澎湖以爲接運糧糈之用臣統  
率水陸官兵船隻擬于十一日開駕前抵臺灣彈壓  
暫行安輯將要緊之人先卽載入內地仍移咨督撫  
或親臨安插或酌委有司前來料理以仰候

敕差戶兵部臣到時與督撫二臣商酌安插得宜臣到臺  
灣察閱土地人民情形另疏題

報更有請者臣有眼自六月十六日衝擊賊踪被銃打

傷醫治至今兩月有餘猶昏昧未明勉強在軍調度  
勦撫之事勾當臣職已盡伏乞

俞旨准臣班師回汛調治

俯賜睿裁施行爲此具本謹密題請

旨

康熙二十二年八月

初九

日

附錄八閩紳士公刊原評

臺澎當新敗之後人心危疑加以遵

制削髮偽藩威令不行將卒亦不用命日望公飾鐵駟

臨與之更始實有甚于望歲也

公慨然選撥船

隻尅期進發要緊偽官載入內地被護難民悉給口糧給船隻載歸遇險要則設防汛設鎮營星羅棋布深合機宜毫髮無憾仍撫其民人按其圖籍

使臺民曉然知

朝廷寬大之恩且以知我

公生全之德慰雲霓而望

來蘇彼間始知有更生之樂矣迄今雞犬桑麻熙

熙安堵設官分治無異內地禮樂教化從此而生

聚之而教誨之居然一大都會也若使當日遲留

不進首鼠兩端萬一變生叵測又不知費幾多經

營耶（公之先見碩畫

實迥出古人萬萬也

太子少保提督福建水師總兵官右都督伯臣施琅謹  
題爲恭報舟師已抵臺灣投誠官兵亟需糧餉仰乞  
敕旨應給事緣照臣總統水陸官兵船隻于本年八月十  
一日自澎湖開駕進發業已題

報在案其澎湖地方臣酌撥水陸官兵三千員名大小  
船三十餘隻畱守山海防禦臣于本月十三日到臺  
灣鹿耳門僞藩鄭克塽遣小船前來接引入港僞侯  
劉國軒僞伯馮錫范率領各僞文武官員到軍前迎

接悉于本月十八日削髮臣逐一分發袍帽外套靴  
全副其各鄉社百姓以及土番壺漿迎師接踵而至  
臣宣布

皇仁酌量給賞銀牌袍帽靴烟布疋咸皆欣歡踴躍其故  
明監國魯王世子朱桓呈繳金冊一副同瀘谿王朱  
慈熾巴東王朱江樂安王朱浚舒城王朱熿奉新王  
朱熿奉南王朱遠益王宗室朱鎬等亦赴軍前投見  
詢稱寧靖王朱術桂聞大師克取澎湖卽全家自縊

而死臣就朱慈嬭等追取各原受冊印據稱流落多年貧窘銷用見各住草地耕種度活茲朱桓等宗室數人應載入內地移交督撫聽其主裁安插惟臣舟師今抵臺灣細閱海道紆迴地勢窄狹波濤湍急可謂至險至固臣雖用兵頗能籌度但至此觀看周詳若非

皇上威靈遠震似未易可以力闕取勝之地顧輸誠向化之舉在各僞文武官員各懷疑畏獨僞侯劉國軒決

意傾心以生死聽命于

朝廷免貽害生靈此其人毅然慷慨見機力主歸

命遂使我師不用戰攻而得全國其功亦不少倘荷

皇上寬恩授以爵秩當有可見效之才也又閱土地肥饒  
出產五穀沃野千里人民土番雜處甚爲稠密應去

應畱臣經具疏題

請未奉

敕旨仰冀

迅賜睿奪俾得欽遵奉行更有請者臺灣偽官兵聽其歸  
農者甚多而入伍者不少當卽暫給糧食以安新附  
之心若承交接管此項糧餉何從以應臣于本年八  
月初九日承准兵部劄付覆奉

俞旨其願入伍投誠兵丁着卽補經制缺額數內欽遵在  
案第查此時缺額零星查補無幾再四籌維閩粵江  
浙四省溢設營兵蓋因臺灣負抗飄突靡常故增添  
堵禦今臺灣旣平海外可以無患請就福建內地陸



營先行酌量裁撤將所裁溢額之糧餉而暫給投誠之兵需可無外費

公帑亦移緩就急一時權宜策應之計也

臣一而題

請一而柳撥發給俟凱旋之後應撤應留以聽部議定奪  
臣見今屯師臺灣船隻來往越過兩重海洋水途遼遠值茲秋冬北風盛發阻滯難行動經匝月不等非比春夏可以計期而至伏乞

皇上睿鑒迅敕部議或如臣所議裁汰或應就何項措給

敕下督撫着令作速遵行以應發給投誠兵需庶免懸待  
矣茲在臺灣如鹿耳門大港隙仔港馬沙港繞港打  
狗港上下淡水等處俱已調撥船兵分布守禦臣帶  
水陸鎮營官兵一半登岸駐劄一半在船至偽藩鄭  
克塽偽侯伯劉國軒馮錫范等及各眷口應卽一併  
載入內地緣此時風勁浪狂舟楫難行容俟九月杪  
風浪稍平卽撥載移送督撫安插所有偽官印劄兵  
民戶口等項繁多一時彙造未得就緒俟其造明交

繳到臣卽具疏賚

進緣係恭報舟師已抵臺灣事理貼黃難盡伏乞

皇上俯賜全覽施行爲此具本謹密題請

旨

康熙二十二年八月

九

日

附錄八閩紳士公刊原評

自古地方新定必得長才遠取之畧區畫裁制方能就緒公初入臺灣新附官民頭緒多端僞藩侯伯等各等應接賞賚有差一毫無缺至若社民土番壺漿迎師絡繹而至酌量給賞咸使歡欣一若出其素所料理而爲之者其明齋宗室流落多年至于銷金印以爲朝夕之計耕種度活尤堪憐惻公下車卽載入內地移送極撫浣安揀優恤勝國之恩可謂周且至矣其剗國斷決意傾心以生死聽命于

朝廷不忍貽害數十萬百姓公不沒其忠勇之誠慈解之意據實題報深有得于古大將愛才之雅量若夫以置新附入伍之衆權宜挪給糧糈無使怨望俾不至于吁庚呼癸者公之經濟宏猷于此窺一斑矣他日事竣班師諸務得宜秋毫無取軍民畏其威而服其廉曹武惠之勾當江南公事同止存圖籍衣衾公何多讓焉

爲重申曉諭以安民生事照得本提督統師親臨臺灣官兵雲集號令霜嚴念土地旣入版圖則人民皆屬赤子保乂撫綏倍常加意官兵不許佔住民居弁目不許包賈鄉社樵蘇採捕載運米穀蔬菜出入港灣均聽民便農商工賈經營市肆鄉村騷擾強買各嚴差巡糖蔗民間物業嚴禁兵丁混折至于本地之跳梁伏莽夜聚曉散訪聞皆係臺灣新附之將不嚴約束故縱官兵剽劫經本提督一面發示招徠解散

恐不効順復一而行偽武平侯遣發摻捕法處該管將弁故縱之罪凡有妨於民生者靡不禁戢備至惟恐爾民未悉本提督惓惓至意自疑新附猶懷驚惶矧此大師甫臨之際將及五穀秋成之時若不安心必致失業合再申諭爲此示仰各地方官兵百姓士番人等知悉本提督素性愛民今日統師至此務在安戢爾民而登祗席隨征官兵糧餉船隻載運足給兵食有餘鎮營日用蔬菜市肆買辦照依民價無虧

斷不許藉稱官辦應用一絲一毫侵取民間茲地方  
初定賦稅固宜盡蠲惟查官佃田產牛種原出業主  
備給今歲應納租穀十分酌減其四准赴州官輸納  
六分以供僞延平王稅課其一切保務疊派什項差  
徭盡行蠲免臺灣去留業經題請候

旨或臺灣議畱本提督軫念海外荒區非比內地樂土年  
納正供當為從輕酌定具題其官兵人民去住聽從  
其便各宜樂業無事驚心收成在邇農務毋荒貿易

如常墾登有禁官兵違犯法在必行人民安生事勿  
自緩須至示者

康熙二十二年八月二十日



為嚴禁犒師以安民生事照得本提督奉

命進取臺灣所統

王師原為拯民非以擾民故到處秋毫無犯務使民不知  
兵誠恐鄉社保甲沿襲故套各自派辦勞軍之費致  
擾民生合就嚴禁為此示仰各鄉社保甲長居民人  
等知悉本提督居心如水視民如傷提師至此政期  
綏安痛誠煩擾如有該鄉社各保甲長敢藉端派辦  
犒勞之費者許卽指稟定行嚴拿重究不貸特示

康熙二十二年八月二十九日

祭臺灣山川后土文

竊以淵獻仲秋東溟維舟原隰相望陟彼崇丘田疇  
鬱其聯屬黔庶于焉止休蔽長天之巨艘揚旌旆之  
悠悠奉

皇威以遠濟統水兕乎貔貅旣克澎湖于重險爰躋臺灣  
而周流維

山川之巖浚兮羗連樁以難進仰神功之浩大兮御縲纏  
其飛迅封內則載于祀典兮殊方邇暨古而莫訖誕

后土之載物兮控東隅以靜鎮比神嶽而孕靈兮應安貞  
以益崇夫明信某菲薄之涼德兮仗

天討以翼翼拯斯民于塗炭兮啓絕島之異域慨杼柚之  
空竭兮嗟旱潦夫稼穡顛覆靈貺之昭格兮錫福祉于  
遐國水土平衍不匱于民用兮俾遺黎徧得沾乎豐  
殖驅蝮蝥勝與蠹賊兮庶無侵于狐域緊統師其申嚴  
紀律兮秉鈇鉞以專征過兵戎于衽席之上兮欣考  
稚壺漿之遠迎誓不殺以凜犯于秋毫兮體

皇仁而用兵撫茲土以安民輯衆兮祈士馬乎寧不亶篤  
祐此征人兮願氛沓波濤之弗驚幅幘旣入輿圖兮  
版籍已登

廟堂寧徒白雉楛矢之遠貢兮頌海波之不揚化窮髮以  
漸被兮熙

帝載于無疆酬椒醕與桂酒兮融肝鬢而彌臧謹  
告

康熙二十二年九月初三日

御製褒章

海氛之不靖，鯨鱉出沒，波濤震驚，濱海居民魚鹽蠶織，耕獲之利咸失，其業朕心恆憫惻焉。邇者滇黔隴蜀湖湘百粵悉皆底定，枚寧最爾，臺灣險阻負固，爾施琅銜命徂征，決策進取，樓船所指，將士一心，遂克島門，迫其營窟，勇以奪其氣，誠以致其歸，捷書到闕，時值中秋，對此佳辰，欣聞凱奏，念瀛壖赤子獲登衽席，用紓南顧之憂，惟爾丕精卽解，是日所御之衣，馳

賜載褒以詩

島嶼全軍入滄溟一戰收降帆來蜃市露布徹龍樓  
上將能宣力奇功本伐謀伏波名共美南紀盡安流  
康熙二十二年九月初九日

廣運

御筆

之寶

兵部爲欽奉

上諭事康熙二十二年九月初十日奉

上諭諭吏兵二部向來海寇竄踞臺灣出沒島嶼窺伺內地擾害生民雖屢經勦撫餘孽猶存沿海地方烽煙時警邇者滇黔底定逆賊削平惟海外一隅尚梗王化爰以進勦方畧咨詢廷議咸謂海洋險遠風濤莫測長驅制勝難計萬全朕念海氛不靖則沿海兵民弗獲休息特簡施琅爲福建水師提督前往相度機



宜整兵征進該提督忠勇性成韜鈴夙裕兼能洞悉  
海外形勢力任尅期可奏蕩平遂訓練水師整頓戰  
艦揚帆冒險直抵澎湖鏖戰力攻大敗賊衆克取要  
地立奏膚功餘衆潰遁臺灣懾服兵威乞降請命已  
經納土登岸聽候安插自明朝以來逋誅賊寇始克  
殄除瀕海遠疆自茲寧謐此皆該提督矢忠報國大  
展壯猷籌畫周詳布置允當建茲偉伐宜霽殊恩施  
琅着加授靖海將軍封靖海侯世襲罔替以示酬庸

前進勦雲南官員會各加一級兵丁賞賚一次頃因  
該提督所統官兵出海進勦勤勞堪念已經照雲南  
例加級賞賚復思官兵遠抵海疆冒險勦寇非滇黔  
陸地用兵可比在事官員着再各加一級兵丁再賞  
一次以示特加優渥至意爾二部卽遵諭行特諭

封侯制誥

奉

天承運

皇帝制曰朕惟尙德崇功國家之大典輸忠盡職臣  
子之常經古聖帝明王戡亂以武致治以文朕欽  
承往制甄進賢能特設文武勲階以彰激勸受茲  
任者必忠以立身仁以撫衆智以察微防姦禦侮  
機無暇時能此則榮及前人福延後嗣而身家永

康矣敬之勿怠爾施琅先任水師提督時同總督  
李率泰總統水師官兵進剿海賊克取廈門金門  
銅山等島著有勞績海寇竄踞臺灣出沒島嶼窺  
伺內地擾害生民雖屢經勦撫餘孽猶存烽烟時  
警嚮者滇黔底定逆賊削平惟海外一隅尙梗王  
化應行剪滅永奠海疆爰以進勦方畧咨詢廷議  
咸謂海洋險遠風濤莫測長驅制勝難計萬全朕  
念海氛不靖則沿海一帶地方民鮮幹止之樂兵

有征調之繁計切安全用彰天討以爾忠勇性成  
韜鈴夙裕兼能洞悉海外形勢特簡爲福建水師  
提督前往相度機宜整兵征進爾克承簡命力任  
尅期可奏蕩平遂訓練水師整頓戰艦揚帆冒險  
克取花嶼猫嶼草嶼八罩將軍灣南大嶼東西吉  
直抵澎湖克取虎井桶盤嶼西嶼頭牛心灣內外  
暫蒞內雞籠嶼四角山風櫃尾娘媽宮案山仔紅  
毛城林投仔暗灣竹竿灣龍門港龜壁港赤嵌嶼

小門嶼吉貝嶼馬鞍嶼吼門雁靖嶼中墩嶼蟬仔  
嶼北山嶼烏嶼香爐嶼大小烈嶼等三十六島屢  
戰力攻大敗賊衆殺賊一萬四千餘名招撫僞將  
軍果殺中鎮楊德等一百六十五員賊衆四千八  
百餘名因克取澎湖等要地餘衆潰遁臺灣懾服  
兵威鄭克塽乞降請命納土歸誠自明朝以來浦  
誅積寇始克殄除海外遐陬歷代未隸疆索自茲  
初聞悉入版圖此皆爾矢心報國大漲壯猷舊書

周詳布置允當建茲偉伐宜沛殊恩封爾爲靖海  
侯世襲罔替

制 誥

康熙二十二年九月初十日

之 寶

班師過澎祭陣亡官兵文

惟淵獻之季夏統勁旅乎舟航耀赫天之朱旆擁兕  
虎于戎行曠波瀾以迅激奠于炎其奚方繫渠寇之  
不逞奮螳臂乎殳斯恣轟雷于巨礮矢石共烟焰以  
飛揚咨將士之賈勇冒鋒鏑以罹傷身膏芙蓉之刃  
骨沉大壑之郊咸各矢忠報國誓死勤王風雲爲之  
黯慘日月掩其光芒家室悲痛凄斷肝腸余忝軍麾  
于率領肅紀律更張抗士爭先兮破敵哀猛壯于國



殤茲當臺灣底定凱奏

廟堂舟師旋旆以西指不禁雪淚之千行凡厥將弁力當  
奏

請優卹恩逮妻孥其餘各鎮營之士伍遵此荼毒魂斃  
其無依卽圖創建厲壇春秋供其祭祀務令爾等咸  
有血食之享勿致貽悲若教以懋此九泉之徬徨是  
用披誠虔祭尚其歆格尙 饗

康熙二十二年十一月二十五日

太子少保靖海將軍靖海侯兼管福建水師提督事務臣施琅謹  
題爲恭陳臺灣棄甯之利害仰祈

睿裁事竊照臺灣地方北連吳會南接粵嶠延袤數千里  
山川峻峭港道紆迴乃江浙閩粵四省之左護隔離  
澎湖一大洋水道三更餘遙查明季設水澎標於金  
門所出汛至澎湖而止水道亦有七更餘遙臺澎一  
地原屬化外土番雜處未入版圖也然其時中國之  
民潛至生聚於其間者已不下萬人鄭芝龍爲海寇

時以爲巢穴及崇禎元年鄭芝龍就撫將此地稅與紅毛爲互市之所紅毛遂聯絡土番招納內地人民成一海外之國漸作邊患至順治十八年爲海逆鄭成功所攻破盤踞其地糾集亡命挾誘土番荼毒海疆窺伺南北侵犯江浙傳及其孫克塽六十餘年無時不仰塵

宸衷日奉

旨征計親歷其地備見野沃土膏物產利溥耕桑並耦魚

鹽滋生滿山皆屬茂樹遍處俱植修竹硫磺水藤糖  
蔗鹿皮以及一切日用之需無所不有向之所少者  
布帛耳茲則木棉盛出經織不乏且舟帆四達絲纒  
踵至飭禁雖嚴終難杜絕實肥饒之區險阻之域逆  
孽乃一旦凜

天庠懷

聖德納土歸

命此誠

八以未闢之方與資

皇上不南之深悼亦絕邊海之禍患豈不以所能致夫地  
既入版圖土番人民均屬赤子善後之計尤宜周  
詳此地若棄爲荒陬復置度外則今臺灣人居稠密  
戶口繁息農工商賈各遂其生一行徙棄安土重遷  
失業流離殊覺經營實非長策況以有限之船渡無  
限之民非閱數年難以報竣使渡載不盡苟且塞責  
則該地之深山窮谷竄伏潛匿者實繁有徒和同土

番從而嘯聚假以內地之逃軍閭民急則走險糾黨  
爲崇造舟製器剽掠濱海此所謂藉寇兵而膏盜糧  
固昭然較著者甚至此地原爲紅毛住處無時不在  
涎貪亦必乘隙以圖一爲紅毛所有則彼性狡黠所  
到之處善能鼓惑人心重以夾板船隻精壯堅大從  
來乃海外所不敵未有土地可以托足尚無伎倆若  
以此旣得數千里之膏腴復付依泊必合黨夥竊窺  
邊場迫近門庭此乃種禍後來沿海諸省斷難晏然

無虞至時復勤師遠征兩涉大洋波濤不測恐未易  
再建成效如僅守澎湖而棄臺灣則澎湖孤懸汪洋  
之中土地單薄界于臺灣遠隔金廈豈不受制于彼  
而能一朝居哉是守臺灣則所以固澎湖臺灣澎湖  
一守兼之沿邊水師汛防嚴密各相犄角聲氣關通  
應援易及可以寧息况昔日鄭逆所以得負抗遺誅  
者以臺灣爲老窠以澎湖爲門戶四通八達游移肆  
虐任其所之我之舟師往來有阻今地方旣爲我得

在在官兵星羅碁布風期順利片帆可至雖有奸萌不敢復發臣業與部臣蘇拜撫臣金鉉等會議之中部臣撫臣未履其地去畱未敢進決臣閱歷周詳不敢遽議輕棄者也伏思

皇上建極以來仁風遐揚威聲遠播四海賓貢萬國咸寧日月所照霜露所隊凡有血氣莫不臣服以斯方拓之士奚難設守以爲東南數省之藩籬且海氛旣靖內地溢設之官兵盡可陸續汰減以之分防臺灣澎



湖兩處臺灣設總兵一員水師副將一員陸師叅將  
二員兵八千名澎湖設水師副將一員兵二千名通  
共計兵一萬名足以固守又無添兵增餉之費其防  
守總兵副叅遊等官定以三年或二年轉陞內地無  
致久任永爲成例在我

皇上優爵重祿推心置腹大小將弁誰不勉勵竭忠然當  
此地方初開該地正賦雜餉殊宜蠲豁見在一萬之  
兵食權行全給三年後開徵可以佐需抑亦寓兵於

農亦能濟用可以減省無庸盡資內地之轉輸也蓋  
籌天下之形勢必求萬全臺灣一地雖屬外島實關  
四省之要害勿謂彼中耕種尤能少資兵食固當議  
留卽爲不毛荒壤必藉內地輓運亦斷斷乎其不可  
棄惟去留之際利害攸係恐有知而不言如我

朝兵力比於前代何等強盛當時封疆大臣無經國遠猷  
矢志圖賊徃於目前苟安爲計晝遷五省邊地以避  
寇患致賊勢愈熾而民生顛沛往事不臧禍延及今

重遺

朝廷宵旰之憂臣仰荷

溟恩天高地厚行年六十有餘衰老浮生類虞報稱末由  
熟審該地形勢而不敢不言蓋臣今日知而不言至  
於後來萬或滋蔓難圖竊恐

皇上責臣以緘默之罪臣又焉所自道故當此地方削平  
定計去畱莫敢擔承臣思棄之必釀成大禍畱之誠  
永固邊圉會議之際臣雖諄諄極道難盡其詞在部

臣撫臣等耳目未經又不能盡悉其概是以臣于會  
議具疏之外不避冒瀆以其利害白行詳細披陳但  
事關

朝廷封疆重大棄留出自

乾斷外臺灣地圖一張附馬塘遞進

御覽緣係條議臺灣去留事宜貼黃難盡伏乞

皇上睿鑒全覽施行

康熙二十二年十二月

辛二

日

附錄八閩紳士公刊原評

臺灣削平之後持議者莫不曰此一塊荒壤無用之地耳去之可也漢劉安練伐閩疏曰得其地不足以耕得其人不足以臣卽此之謂矣殊不知此島北連三吳南接兩粵實江浙閩粵之左護棄之則紅毛巢穴于其中勾連匪類久而生變此其爲害匪細故也公身歷其地熟識情形特疏懇留條陳詳悉爲沿海計萬全爲

朝廷圖治安賊深且遠也而所最快心者以當時封疆大臣無經國遠猷矢志圖賊狃於目前苟安爲計畫遷五省邊地以避寇患致賊勢愈熾民生顛沛

往事不貳延禍及今重貽

朝廷宵旰之憂此公之所以嘆息痛恨于當日者也今臺灣澎湖文武官僚建設分治區畫咸宜雖犬桑麻境內乂安是皆公日夜焦勞深思遠慮而

爲此久安長治之至計者也邊海長  
城天南鎖鑰非公其孰當此者乎

太子少保靖海將軍靖海侯兼管福建水師提督事務臣施琅謹  
題爲移動不如安靜仰乞

俞旨以廣

皇仁事竊照臺灣自鄭逆盤踞數十餘年以爲老窠招集  
亡命擾動數省故從前投誠官兵慮有反側皆安插  
外省所以解散而消弭之也臣奉

旨總統進征勦撫並用臺灣歸附臣親履該地僞官給以  
俸僞卒給以餉且將其兵將漸次分離並無一兵復

聽管束仍一面派撥船隻將各官陸續載入內地查  
係外省者分發外省各府縣原籍安插係本省者卽  
交各府縣原籍安插仍取其地隣保結存查其僞卒  
願歸農者則聽其歸農願逐伍者則暫撥在從征各  
鎮營逐伍其所給糧皆從省約不過使之各懷

新恩離散黨與未嘗敢效從前之冒給糧餉又僞鎮弁之  
現入內地者自本年正月起之俸已行停給其尚在  
臺灣僞官卒約計只三千餘員各其月餉自三月起



亦行住支僞文官則從無分給今奉有安插附近各  
省之

旨臣敢不欽遵在部臣蘇拜欲令移駐畿輔山東山西河  
南諸省臣思自康熙十三年以後投誠各官槩荷

隆恩免其遷徙今臺灣各僞官蒙我

皇上赦其前愆莫不仰戴

浩蕩鼓舞于光天化日之下毫無懷貳若一行移駐其間  
有眷口者不少無眷口者亦多遠涉長途不堪艱瘁

逃匿生患所不能無況地方人民久困荼毒方謂海氛削平凋殘少蘇今欲將各偽官眷口移駐外省沿途搬運百姓有策應人夫之苦經過郡縣官吏有備給口糧之費所到地方有動撥民房之擾開墾耕作有應給牛種農具之資又是一番苦累以臣叨蒙

國恩夙膺同安城守副將以及陞轉水師提督十有數載見從前投誠各官之移駐各省現在存留寥寥無幾不過冒費金錢重煩百姓耳今天下大定人心已

安海外沾化華百傾誠率十二之濱莫非王臣不若廣  
開

仁恩將此項僞官俯就福建本省安插尤見

皇上推心置腹使各遂其生省人夫之搬運口糧之應給  
民房田舍之動擾牛種農具之冒破且無長途逃匿  
之患所謂移動不如安靜之爲得也臣自入閩以來  
卽遣心腹之人密往臺灣澎湖賊中道達臣之舊時  
部曲現爲職官者從中潛謀取事遂有僞鎮管何祐

等謀結黨類以待內應臣業有題

報但恐漏洩未敢直指姓名則當臺灣未平之時臣已知其人心解體而無固志豈今日鄭克塽等納土歸附並其親族與劉國軒馮錫范等皆遵

旨進京明宗室朱桓等移就山東河南安插是臺灣之窠穴已破根株已盡可保其永無後患其餘各偽官人員皆無關係又何須移駐以滋民擾且費

公帑乎在部臣蘇拜撫臣金鉉未悉其詳不敢置議臣

備知其傾心向化已無他念且思我

皇上知臣之深信臣之篤感激思奮雖在邁年一意專征  
今地方旣拓事無大小必求允當且臣衰老餘生倘  
蒙

睿恩以海宇旣靖邊封無虞准臣入侍猶可不與乃現廢  
重寄欲計長治不得不據實入

告仰冀

俞旨臣極知此疏一題必啓羣議以臣市恩但臣思此番

海濱集  
卷之十一  
投誠與其移而復動數省之煩難曷若安之可永保  
其無事在他人知而未必敢言在臣深悉利害勢難  
緘默始終竭忠盡誠誓答

洪恩所以不避嫌疑冒昧上陳緣係密題移駐僞官事理  
字多逾格貼黃難盡伏乞

皇上俯賜全覽乾斷施行

康熙二十三年三月

初一

日

附錄八閩紳士公刊原評

閩省當凋殘之後兵馬往來郵亭絡繹粟米力役  
民之疲于奔命者非一日矣茲幸臺灣削平逆艘  
絕跡誠與民休息之時也乃爲官弁春日議移駐  
外省沿途夫役之迎送過宿行糧之支給不惟閩  
省受供應之苦卽經往省會關津亦難逃擾派之  
煩民生之大患莫有過于此也 公洞見利害獨  
疏入

告一

力擔當不顧諸當事之非議請令本省安插各還  
原籍民生免供億力役之勞而投誠諸將士得以  
還首丘而保墳墓永無出疆之慘而遂獲更生之  
慶是皆 公之德悌爲懷病瘳乃心故其軫念民  
艱而推心置腹于反側子蓋若此之慈且至也陰  
隲齊天德垂萬  
禎豈虛語哉

中元祭陣亡官兵文

闕逢紀歲金祗御時涼颯瀏沈白露沾滋感四序之  
遷易懷故壘于殤師操吳戈兮犀甲衝矢石兮海涯  
奮先登以賈勇首焚艦而奉旗遂乃觸轟酸于飛隕  
罹鋒鏑而傷彝痛形體之淪喪冀魂魄之來茲風雲  
悽其悲惋波濤咽其流淅余忝軍麾于率領肅紀律  
以控持屈中元之令節值蘭盆之會期念將士之殫  
力悼幽真之凶危羅肴蒸以奠享陳醢醴于盈卮特



尚員而虔祭抒誠悚于水湄靈之遊兮粵鬻惟歆飫  
兮攸宜尙饗

康熙二十三年七月十五日

太子少保靖海將軍靖海侯兼管福建水師提督事務臣施琅謹  
題為壤地初闢乞沛

皇仁以弘治化事竊照臣准兵部密咨為謹陳善後未議  
以贊一統無外之宏規事內開覆奉

俞旨臺灣應得錢糧數目若干白糖鹿皮可否與販着部  
臣蘇拜及督撫提再議該臣欽遵于本年七月十六  
日就廈門登舟乘南風而赴省城會議浹月未得適  
合臣思漳泉為下游地方兼見在渡載安設臺灣文

武官員兵丁及班回征師臣與提臣萬正色不便皆  
久住省城結于八月十九日乘北風由舟先回廈門  
料理其臺灣應得錢糧數目及白糖鹿皮可否興販  
之處部臣及督撫二臣復議明白至九月初八日移  
送會

題疏稿與臣書

題矣然臣更有不得不披陳者蓋臺灣沃野千里則壤  
成賦因地為糧宜稱富足但地僻汪洋之中化阻聲

教之外滿山逼谷多屬土番雖知懷服習性未馴射  
獵是事徵供無幾所安於耕桑可得按戶而問賦者  
皆中國之人于數十年前生聚乎其間及鄭逆擁衆  
盤踞兵卽爲農農卽爲兵兼沿海數省之地方人民  
有爲其所掠而去者有趨而附者非習于漁則與爲  
佃自臣去歲奉

旨蕩平僞藩僞文武官員丁卒與各省難民相率還籍近  
有其半人去業荒勢所必有今部臣蘇拜等所議錢

糧數目較僞藩鄭克塽所報之額相去不遠在知悉  
當日僭稱一國自爲一國之用度因其人地取其餉  
賦未免重科茲部臣等奉有再議之

旨不得以此數目議覆臣竊見此地自天地開闢以來  
未入版圖今其人民既歸

天朝均屬赤子以我

皇上視民如傷率土咸被伏乞

沛以格外之澤減以應需之賦則恩出自

皇上不在臣下使海外諸國向聞

天威而懾服茲輕賦薄歛益慕

聖德而引領如以會議既定當按數而徵在道府縣責成  
所係必奉行催科兼以鄭逆向時所徵者乃時銀我  
之所定者乃紋銀紋之與時更有加等茲劉國軒馮  
錫范見在京師乞

敕部就近訊詢而知彼夫遐陬初化之人非孝子順孫萬  
或以繁重為苦輸將不前保無釀成地方之禍階乎

至時動輒爲費更甚何惜減此一二萬之錢糧哉且  
臣前之所以議守此土者非以因其地而可以加賦  
也蓋熟察該地屬在東南險遠海外之區關係數省  
地方安危旣設官分治撥兵汛防則善後之計宜加  
周詳今所調守兵一萬乃就閩省經制水陸兵丁六  
萬五千七百五十名數內抽調前去兵無廣額餉無  
加增就此議定錢糧數目蠲減于寇虐之後使有司  
得以仰體

皇上德意畱心安集撫綏俾四民樂業億兆歡戴至數年  
後人戶盛繁田疇悉易賦稅自爾克溢斯時有增無  
減豈待按數而徵哉至于興販東洋白糖一項歲定  
二萬石不足之數聽其在本省之內採買夫本省之  
去臺灣已隔兩重汪洋以臺灣所產白糖配臺灣興  
販船數固爲安便若就本省湊買白糖涉重洋而至  
臺灣方興販東洋則今四方蕩定六合爲一在臺灣  
可以興販東洋何本省而不可興販必藉臺灣之名



買白糖赴彼與販此皆部臣蘇拜等慮彼中之錢糧不敷婉爲籌度湊足良法可知臺灣錢糧一時未能裕足故也然在部臣及督撫二臣未至其地不知該地情形雖畱心區畫難以曲盡以臣躬親履歷其于民風土俗安危利害無不詳悉天下事言之于已然之後不若言之于未然之前臣荷

恩深重知無不言言無不盡如今不言至于後來或有禍患咎臣以緘默之罪臣又安所自逭况臣叨有會議

之

旨故不得不以披陳緣係密題臺灣錢糧事理貼黃難盡  
伏乞

皇上俯賜全覽勅部議覆施行

康熙二十三年九月

二十九

日

附錄八閩紳士公刊原評

臺灣原海外一荒島耳土蕃往來自爲貿易日  
射獵爲生概無正供賦稅泊鄭逆據而有之帶集  
兵民始得分土種植通商貿販因而設社追徵蓋  
就其一隅之產以供百萬之費政繁賦重民心已

思變久矣今既歸降如出水火各省難民相率遷  
籍投誠家衆移送歸家較之前時民數已減其半  
矣若賦役稍輕從此而生聚而教誨安在不可  
爲樂土耶苟仍爲重征繁賦民不堪命或生異心  
亦未可知也公疏中諄諄懇切指畫詳明蓋深  
悉利害于胸中而不覺發而爲忠盡之詞非徒鋪  
張時務以塞一日之責者也至若輿販白楮不便  
本省採買之義尤確確可從而臺民免遠涉之勞  
眞防患未然之至計也公無事不爲民生陳疾  
苦無日不爲地方計安危卽此疏已見其大端矣

太子少保靖海將軍靖海侯兼管福建水師提督事務臣施琅  
密題爲海疆底定更宜加慎以垂永安事臣聞慮事必  
計其久遠防患在圖於未然我

皇上深念海宇旣靖生靈塗炭多年故大開四省海禁特  
設關差定稅聽商民貿捕羣生感

需澤之均沾

國家獲泉流之至計

浩蕩洪慈實冠歷代帝王之不謨顧臣思前因海禁森嚴

隄防易於盡一茲海禁既展沿海內外多造船隻飄洋貿易捕採紛紛往來難以計算水師汛防無從稽察竊見在昔明朝濱海奸徒出沒糾踪肆害延至我朝定鼎四十餘年江浙閩粵數省民靡有寧今

德威遠播四海歸心惟南之東埔寨尚有偽鎮楊彥迪下餘孽黃進聚艘百餘號北之浙江烏洋尚有房錫鵬殘黨及撫而復叛之劉會集艘數十隻游移海洋邇來貿易船隻給有關臣照票而往採捕船隻給有道

府縣由單而出叢濊無稅兼數省內地積年貧窮游  
手奸宄罔作者實繁有徒莫從施巧乘此開海公行  
出入汎口若嚴于盤查則以抗

旨難阻之罪相加如此行走不由向問恐至海外誘結黨  
類蓄毒釀禍水師將弁必坐聽其罪况見准浙江撫  
臣趙士麟咨稱閩省有等漁船越境荼毒漁民亟宜  
禁止等語臣以爲展禁開海固以恤民裕課尤須審  
奠立規以垂永久如今販洋貿易船隻無分大小絡

釋而發隻數繁多費本有限餉稅無幾不惟取厭外  
域輕慢我非大國之風且藉公行私多載人民深有  
可慮如近者臣在省會議據中軍叅將張旺報稱船  
戶劉仕明趕繪船一隻給關票出口往呂宋經紀其  
船甚小所載貨無多附搭人數共一百三十三名臣  
據報時卽行查而該船已開去矣一船如此餘槩可  
知此時內地人民奸徒貧乏不少弗爲設法立規節  
次搭載而往恐內地漸見日稀夫以臺灣難民尚荷

皇上德意移入內地安插今內地之人反聽其相引而之  
外國殊非善固邦本之法竊觀外國所來進貢之船  
人數來往有限豈肯遺畱一人在我中土更考歷代  
以來備防外國甚爲嚴密今雖與其貿易亦須有制  
不可過縱以臣愚見此飄洋貿易一項當行之督撫  
提各將通省之內凡可興販外國各港門議定上大  
洋船隻數聽官民之有根脚身家不至生奸者或一  
人自造一船或數人合造一船聽四方客商貨物附



搭庶人數少而貲本多餉稅有徵稽查尤易至於外國見我制度有方行法慎密自生畏服而過機端其欲赴南北各省貿易併採捕漁船亦行督撫提作何設法畫定互察牽制良規以杜泛逸海外茲奸則民可以遂其生

國可以佐其用禍患無自而萌疆圉永以寧謐誠爲圖治長久之至計故安不忘危利害當思害苟視爲已安已治無事防範竊恐前此海疆之患復見不遠矧棄

水師船隻刻限三年小修五年大修自征勦及渡載  
投誠僞官兵眷口難民之後多屬朽壞擱泊少嘗于  
用窮弁不能拮据整葺請修猶遲時日而沿海新造  
買補之船皆輕快牢固砲械全備倍于水師戰艦倘  
或奸徒竊發藉其舟楫攘其貨本恐至蔓延蓋天下  
東南之形勢在海而不在陸陸地之爲患也有形易  
于消弭海外之藏奸也莫測當思杜漸更以臺灣澎  
湖新開遠隔汪洋設有藏機叵測生心突犯雖有鎮

營官兵汛守間或阻截往來聲息難通為患抑又不  
可言矣至時必有以禁止貿捕之議復行寧惟負我  
皇上子養億兆之德意將東南環海地方不又仰靡

宸衷顧慮哉蓋自我

朝御極以來凡有梗化精騎一到率土咸服獨此海氛積  
年負抗調發勞費動關億萬未獲削平乃

乾斷航勦甫爾蕩定而四省開海船隻出入無禁思患預  
防不可一日廢弛臣謬膺職任在閩言閩當此未然

深知情弊總總上陳使臣年力方壯

皇上不以臣爲駑駘尚可竭蹙綱繆惟年已六十有五衰  
老漸及意在乞休祇荷

恩深重思

皇上有千萬世之洪基臣子孫有千萬世之爵祿故不能  
緘默而言人之所不敢言者如果芻蕘可採伏乞

皇上睿鑒敕部議覆緣係備陳海疆宜慎事理貼黃難盡

仰祈

府賜全覽施行

康熙二十四年三月

廿

日

太子少保靖海將軍靖海侯兼管福建水師提督事務臣施琅

密題爲收拾遺棄有用人材以彰

全恩事竊惟我

朝定鼎以來凡屬投誠荷

恩錄用在在竭忠或膺提鎮或授副叅遊守千把等官

殊典過優近准部咨康熙十三年以後凡投誠功加未至

八等者追劄歸農奉

旨欽遵在案此就功分別用舍亦慎名器之要端然此等

不無抱抑之歎蓋用人之道用之不可以拘例棄之尤不可以驟促臣思閩省投誠有係康熙十三年以前在外省墾荒爲

題調從征効力者有康熙十三年以後在本省効勞見補經制遊守千把員缺內有著績者至於臺灣新附人員亦有勇敢歷練者一旦棄置之未免屈其已効之力而辜其歸命之心以臣愚見不若

洪開格外隆恩

敕下督撫提將新舊投誠各官見在閩省者親行考驗其中果老弱病廢無一技之長原係有經任遊守千犯者准其原品致仕未經任事者聽其原籍安插歸農果係年力精壯膽氣勇敢歷練戰鬪者酌定銜劄量給俸餉令隨督撫提標下効勞許以遇缺保

題一二補用此中名數舊者如墾荒題調及本省効勞見補經制員缺航勦効力者驗選不過數十員計

朝廷之動給無幾蓋前海疆未靖年年調發飛悅費用不



計今四方式寧各省溢額官兵槩經裁汰俸餉從此  
減省一年之中何惜一二萬金以養有用之人使新  
舊投誠老弱者遂安處之榮精銳者有功名之用若  
以功名未至八等循例而棄之已至八等循例而用  
之是循資格以待人臣伏見未至八等者其才畧未  
必皆遜於已至八等者之員已至八等者其才畧未  
必能勝於未至八等者之員惟擇其精練勇敢者而  
蓄之則凡巨擘者得遂其願効之懷自壯而老老而

死安心於

覆憐彼懦弱無長者亦恬然而自安不寧惟是見今裁兵之際更多游手游食窮窘無藉之輩負戴營生非其素志不能盡保其無異念視此巨擘者皆爲我羅而養之則若輩之碌碌因人成事者終無足有爲卽爲亦無濟此實籠絡人材羅其尤而衆心自戢者也且夫

朝廷尚三年一試武場不過欲廣搜天下人材然所合中

式雖弓馬畧諳而未歷戎伍未經戰攻何若此等之  
赳赳武夫慣精於疆場用之較有實効也昔漢祖當  
天下既定猶思壯士以守四方此深鑑用舍之得失  
茲萬國獻琛羣黎通德各省亦有投誠不同而臣在  
閩只惟言閩特舉此投誠之用舍蓋措置得宜其於  
國家未必無少裨也况乎鄭克塽見蒙優加公爵馮錫  
范劉國軒見授伯爵國軒更叨天津總兵之任

皇上之推心垂仁誠冠于萬古帝王又誰不傾心仰答者

乎臣爲封疆籌奠安至計非敢爲投誠人員市私慮  
如臣言可採伏乞

睿鑒敕部議覆施行

康熙二十四年三月

廿

日

奏爲

太子少保靖海將軍靖海侯兼管福建水師提督事務臣施琅謹

聖世伏枕謝

恩仰祈

睿鑒事切臣以猥劣庸材謬膺

寵眷自同安副將歷任總兵旋陞福建水師提督加爲靖  
海將軍康熙六年內奉

旨進京荷蒙

皇恩授爲內大臣伯家養十餘年二十年内復蒙

特簡爲福建水師提督專征臺灣蕩平之後隨蒙

聖恩授爲靖海將軍封靖海侯世襲罔替海疆重任時兢

蚊負兩次

陛見臣自惟年老而

請乞休蒙

溫旨慰諭

命臣旋任勉供衰殘意謂一日在世可竭一日之効詎知  
本年二月初旬陡染痰壅氣喘之症醫藥至今未見  
有效中心思惟受

洪恩之罔極恐報稱之無從不揣愚昧冀邀

睿鑒臣蒙

恩封爲靖海侯世襲罔替臣親生八男長男出繼及三男  
俱已蚤喪五男世駮七男世驛皆隨臣在任次男世  
綸現任江南江寧府知府四男世驥現任浙江嚴州

府同知臣死之後乞

恩准赴閩盡喪所有侯爵臣擬以第八男施世范承襲俾  
其代臣報効仰答涓埃又臣生長福建願乞骸骨

俯賜臣男等就梓里擇地安葬而臣之祖先墳墓俱在泉  
屬本鄉臣請以第五男世驂在閩歲時祭祀照管伏  
乞

皇上廣孝治之仁

垂憐恩准臣既不能延喘竭報猶幸第六男世驂任山東



濟南城守叅將功姪世騏任張家口副將現隨

聖駕効力

輦轂之下代臣竭未盡之心俾臣死得瞑目伏思閩疆  
濱海重地而廈門又最要緊且臣衙門更有統轄臺  
澎之責彈壓之寄出自

宸衷簡在芑臣愚見如現任江南提督臣張旺歷任閩海  
邊疆臣稔知其人忠勤練達熟識閩海情形若以之  
調補福建水師提督必克勝任伏乞

皇上睿裁至于南澳鎮臣楊嘉瑞浙江定海鎮臣監理廣  
東碣石鎮臣曾成四川建昌鎮臣施應元俱經全臣  
征勦澎臺謀勇兼優戮力血戰海壇鎮臣楊元弼臺  
灣鎮臣王國興廣東潮州鎮臣薛受益均才猷夙著  
調度有方臣標副將方冰左營遊擊陳敬右營遊擊  
傅春秀前營遊擊林顯達中營中軍守備梁愛後營  
中軍守備劉春均勤慎束防恪供厥職功加左都督  
施韜施肇瓚劉沛吳虎張應韓瑞董義丘建林應俱

係隨臣航勦澎臺著勞內施肇瓚劉沛吳虎張應經

臣保

題註冊候推遊擊其施韜韓瑞董義丘建林應五員亦  
經保

題部覆以係十三年以後投誠停其錄用在案此數員  
皆係從征効力之人臣不敢泯滅其功仰冀

皇上簡拔先用更臣當進征臺澎時有捐造盔甲器械內  
除澎湖攻戰陣失及年久壞爛不堪用外尚有存剩

盛甲器械發交臣標五營將備收貯理合一併聲明  
臣今黃壤非遙丹心未泯一綫微息滿腔哀鳴貼黃  
難盡伏乞

呈上寬宥全覽

敕部議覆施行

康熙三十五年三月

壬

日

贈官傅制誥

奉

天承運

皇帝制曰人臣奏開闔之勲謀猷克壯國家錫報功  
之典品秩加崇惟懋績樹乎師中斯寵命榮於身  
後爾原任太子少保靖海將軍靖海侯福建水師  
提督施琅夙諳兵事久歷軍行壯歲從戎卽著干  
城之望巖疆分鎮聿推保障之才洎乎受律中朝

建麾全閩兵民藉以綏輯而斥埃無驚將士樂其  
拊循而簡稽有法念茲勞動奄爾淪徂宜沛殊恩  
俾加顯秩茲贈爾太子少傅光祿大夫於戲抒誠  
報國式膺三命之榮班爵酬庸用慰九原之志尙  
承滉澤永賁泉壚

制 誥

康熙三十六年三月十六日

之 寶

敕建碑文

太子少保靖海將軍靖海侯右都督管福建水師提督事加贈太子少傅諡襄壯施琅碑文

朕惟國家有戡亂寧民之畧必有協謀宣力之臣用能殫布天威廓清海宇績旣書於冊府寵亦集於私門堂陛之誼常通始終之禮攸渥弘茲異數以勸有功爾施琅材畧夙優忠誠丕著自分閭同安從征用命每當調遣輒冠軍鋒尋總水師屢陳進取廈門之

克爾與有勞召列環衛之班晉錫躬圭之爵暨朕削  
平僭逆底定多方蠢茲海氛阻遠負固欲聲厥罪以  
救邊氓諮諏在廷謂難剪滅惟爾獨抒忠悃力贊成  
謀聚米堪圖指掌可述朕心益斷命爾徂征爾能上  
度天時下揆地勢更行間諜收合人心排羣帥以密  
陳乘南風而破浪六月于邁一鼓而平四十餘年之  
巨孽悉除三十六島之殘黎皆悅戢兵而惟宜德意  
受降而不復私仇調度周詳朕深嘉嘆嘗賦詩以賞



勞還之寵解衣以弘挾纊之恩世爵爾侯董戎如故  
既而入覲訓以溫言仍赴軍中委任不替爾能祗遵  
朕訓保有令名何不遐年朕心軫悼澤加身後悉准  
來章贈卹從優諡曰襄壯嗚呼賜爾喪之反葬永增  
耀於鄉邦嘉爾子之多才更推恩於部曲情惟念舊  
義不忘勞勩之貞珉垂休無斁

康熙三十七年八月十二日立

諭祭第一次

康熙三十七年九月十一日

皇帝遣福建分守興泉道布政使司叅議加四級王之麟  
諭祭太子少保靖海將軍靖海侯右都督管福建水師  
提督事加贈太子少傅諡襄壯施琅之靈曰朕惟宜  
力巖疆臣子奉公之大誼推恩良翰國家卹下之弘  
仁勲庸懋著於生前寵澤宜加于身後愛稽憲典式  
備哀榮爾施琅忠勇性成韜鈴夙裕早以副將分閩

同安旋總八閩之水師爰任將軍之重寄入授躬圭  
之爵近膺環衛之班當夫三逆蕩平海氛未靖朕欲  
聲罪致討以寧遠人盈庭之集議多疑惟爾能摠忱  
力贊蓋以滅賊自効卽謂尅期可平孚于朕心再膺  
節鉞行間抗疏爭六月以興師上將伐謀鼓南風而  
破浪澎湖功最賊巢早斷其咽喉臺灣勢窮渠黨畢  
輸其圖籍掃數十年不庭之巨寇擴數千里未開之  
遐封答爾成勞酬以異數侯封大啓及爾子孫幕府

仍開肅我閩嶠宜殺弗祿以服寵休茲聞溢亡曷勝  
嘆悼嗚呼垂勳海外永澄萬里之波賜宅故鄉用慰  
九原之魄聿頒祭醴靈其敬承

諭祭第二次

康熙三十七年九月十四日

皇帝遣福建分守興泉道布政使司叅議加四級王之麟  
諭祭太子少保靖海將軍靖海侯右都督管福建水師  
提督事加贈太子少傅諡襄壯施琅之靈曰勲垂專  
間彌懷將畧之優禮重卹終倍著國恩之厚椒馨再  
錫泉壤逾尤爾施琅果毅有謀次確善斷遵適準以  
揚威域外拓土開疆荷殊恩而受鉞海濱疏封錫爵

言多二二三  
方于城之是寄遠麾節之長辭瞻念前勞良深軫悼  
游頒異渥聿備彝章庶格靈筵欽承寵命

諭祭第三次

康熙三十七年九月十六日

皇帝遣福建分守興泉道布政使司叅議加四級王之麟  
諭祭太子少保靖海將軍靖海侯右都督管福建水師  
提督事加贈太子少傅諡襄壯施琅之靈曰閩帥成  
勞早茂膺夫爵命皇家卹典尤倍渥于勲臣奠醊屢  
宣恩施洊被爾施浪材武性成謀猷夙裕功收萬里  
而外爵居五等之間上將權隆控大洋而膺節鉞南

邦寄重開炎微以作屏垣遺疏忽聞朕心軫悼降恩  
綸而三錫視故事以有加靈其祇承光于奕禩

下卷終